

KHONFERENSE LE MODIMO



Ka nnete ke monyetla kudu go nna go ba mo bošegong bjo, tlasetlase mo ka Tifton, Georgia. Eupša bonnyane ke be ke sa tsebe gore ke be ke eya go ba le monyetla wa go tla ntle mo kerekeng ye, eupša re thabile go ba mo. Ke sa tšwa go tseba dinakwana di se kae tša go feta, gomme re bona gore kamora, goba ka ntle le ka gare ka mokgwa wo mongwe e pitlagane gannyane.

² Kafao, bošegong bjo re nno nagana re tla ba le nako ye nnyane go tlwaelana gore re kwešišane seng, gobane re ne mašego a mabedi gape a tirelo a a tlogo. Ke bile le lekga la ka la mathomo, ke a nagana, bokgole bjo ke tsebage go šikinya diatla le Ngwanešu Perry, modiša. Gomme re tla ka taletšo ya mogwera wa rena wa mogau le ngwanešu, Ngwanešu Evans.

³ Gomme re bile le nako ye nnyane go tloga ge re fihla go theoga nako ye, re lokišetša go tloga bjale bakeng sa mošwamawatlle bakeng sa karolo ye kgolo ya lefase mo dikgweding di se kae tše di latelago. Rena re, thwi ka morago ga se re ya ka Dihlakahlakeng tša Caribbean, gomme go tloga fao go ya ka Afrika Borwa, morago ka Switzerland, Holland, Engelane, pele godimo ka Norway, go tla morago, go ya godimo ka Australia, Sydney le Melvin, godimo morago ka India, go kgabola tsela yeo, go tla morago go kgabola dinaga tše kgethwa, Morena ge a rata, ngwaga wo o tlogo wo. Kafao, re bile le nako yeo re ka kgonago go no ya go dikologa le go etela, mohlomongwe, batho bao re sego ra ke ra kopana le bona, go le bjalo.

⁴ Gomme Ngwanešu Welch Evans, ka go ba ngwanešu yo bohlokwa bjalo, gomme o nkgopetše makga a mmalwa go tla tlase. Gomme ke be ke le tlase fa e se kgale kudu, go mo etela mo legaeng la gagwe, gomme ke lekile go swara tše pedi goba tše tharo tša hlapi ya lena tikologong fa, eupša ga ke tsebe ke dirile gabotse bjang, ga ke nagane gabotse kudu. Eupša ke nyakile go tla morago go kopana le Bakriste. Gomme ke naganne se e tla ba sebakabotse se sebotse go fetša matšatši a mabedi goba a mararo a tlase fa le lena batho.

⁵ Gagologolo, bodiredi bja ka ke go rapelela balwetši. Ke . . . Ntle le pelaelo eupša ke eng, ka dipampiri, le dikgatišobaka, le go ya pele, gore le kwele ka bobotse bja Morena Jesu, ka fao A— a fodišitšego balwetši le go dira matete a magolo le maswao.

⁶ Go tleng godimo bošegong bjo, re bone go nyakile go sa kgonagale ka botlalo go lokologanya mothalo wa thapelo, go na le ba bantši ka ntle tikologong, bjalo ka ge ba le ka gare. Gosasa ba hwetša othoriamo, goba go e leka, sekolo sa go phagama,

goba se sengwe, ba tla be ba le botša ka yona, ke nagana ba tla mmogo go yona bjale, moo re ka kgonago go lokologana, gore re kgone go ba le methalo ya thapelo le go rapelela balwetši ditirelo tša go latela, go thoma gosasa bošego. Kae kapa kae ditirelo di tla, re tla leka go kitimela godimo le go fa dikarata tše dingwe tša thapelo le go lokologanya batho gore le kgone go tla ka dinomoro, bjalo ka ge e bile tshepedišo ka ditirelong tša rena, ka mehla, go dira seo.

⁷ Kafao, seo se tla kwalakwatšwa gosasa, mohlomongwe. Gomme ba tla ba le leswao ntle fa ge le le, feela moo ditirelo, ke otithoriamo efe e tla bago ka go yona, gosasa bošego. Gomme—gomme ge o etla godimo mo, ba tla ba le leswao le dutše ntle kua. Ge eba re swanetše go tšwelapele fa, gobaneng, le tla thwi godimo e ka ba ka iri ya boselela, gomme, goba šupa, goba e ka ba neng go lego, masometharo a tshela, šupa, gomme re tla fa dikarata. Gomme ka gona ge re swanetše go boela morago le go thoma gapegape, gobaneng, re tla—re tla dira batho ba eme mothalong moo re ka kgonago go ba rapelela. Ka mokgwa wo, go tla ba bothata kudu. Eupša re tla laola tselo ye nngwe.

⁸ Bjale, ke badiredi ba bakae ba lego ka fa? A nka bona, go no le bona le phagamiša diatla tša lena? Seo se kaone kudu. Gabotse, madume go lena, bagwera ba ka ba bohlokwa ka go Kriste.

⁹ Bjale, go boleleng ka... Yeo ke, mabapi le moreri yo monnyane nkilego ka mmona, ke yena mo a ka bago bogolo bja mengwaga ye mebedi, a emišitšego seatla sa gagwe godimo. Ke—ke, seo, ke naganne David Walker yo Monnyane o nyakile go ba yo monyennyane nkilego ka mmona, eupša yo o mo fentše. Gabotse, yoo ke morwa yo mokaone ka maatla. Ke na le yo motee gae a ka ba ka mokgwa woo, yo a tleleimago gore o ya go ba moreri, eupša ge a ka dira, o ya go swanela go fetoga kudu.

¹⁰ O be a le gampe ka kgonthe letšatši le lengwe. O dirile se sengwe, a bea bobedi dikgaetšedi tša gagwe tše nnyane mo setulong. Lena botate le homme le tseba se ke se rago. Ke rile, “Morwa, o tšwetšepele o ntshepiša nako ye telele, o be o eya go loka. O ya go loka neng?”

¹¹ O rile, “Ge ke fihla go ba moreri.”

¹² Mmagwe o rile, “O tla swanela go fenya seo, goba o ka se be moreri.” Ba ka kgona go ya thwi kgauswi le pelo ya gago ka go dilo tša bona tše nnyane tša lefeela tše ba di bolelago.

¹³ Bjale bošegong bjo, go a tonya ka ntle, go nna, ke naganne ke be ke etla tlase fa ka leoto la go se rwale gape, eupša ke be ke tla, le a bona ke be ke tla gatsela ge ke dirile seo. Kafao, ba bantši ba eme ka ntle, gohle go dikologa meago, le go ya pele. Bontši, bangwe ntle ka dikoloing tša bona le dikoloi ba sa tsena. Kafao re no se ye go le swarelela botelele, go no bolela le lena le go leka go tliša tumelo godimo go lena gore ge re etla nako bakeng sa thapelo bakeng sa balwetši, gore le kgone go amogela.

14 Ke nagana gore phodišo Kgethwa ke se sengwe seo o swanetšego go se batamela ka tlhomphokgolo, ka tllaologanyo, gobane ke mošomo wa Modimo. Bjale, Modimo a ka se tsoge a ya kgahlanong le melao le melawana ya Gagwe Mong, ka mehla O tla šoma go ya ka melao ya Gagwe.

15 Go no swana le ge o, ke boletše se makga a mantši, ge o be o na le thaba godimo *mo* gomme sediba se segolo sa go pumpunyega, se be se no fokela meetse godimo ka moyeng, gomme o bile le thaba ye nngwe godimo *fa*, gomme e bile le dibjalo go yona gomme dibjalo di be di eswa bakeng sa meetse, bjale o ka kgona go ema godimo ga thaba ye gomme wa goeletša go meetse ale, “Etla godimo mo, etla godimo mo gomme o nošetše dibjalo!” E ka se tsoge ya e dira, ka kgonthe aowa, e ka se tsoge ya e dira. Eupša ge o ka šoma go ya ka melao ya kgogedi ya lefase, o ka kgona go tliša meetse ale thwi godimo ga thaba, gomme wa nošetša dibjalo tša gago. Eupša o swanetše go ya go ka molao go e dira, gomme e tla šoma ka go phethagala nako le nako.

16 Ge o ka be o le ntle fa ka tšhemong bošegong bjo, gomme go le leswiswi bjalo ka ge go le, gomme o be o tla re, “Ke nna rasaense, gomme ke a tseba gore go na le mohlagase wa go lekanela ka moyeng wo go bonega tšhemo ye, le go mpontšha mokgwa wa go tšwela ka ntle mo. Oo, mohlagase wo mogolo, ke a tseba o fa. Diphatišišo tša saense di bontšha gore o thwi fa mo moyeng. Aroganya moya wa go tonya le go fiša, gomme o o tliše mmogo, o ne mohlagase. Gomme bjale, e nong go bonega tsela ka gore ke lahlegile.” O ka goelesa go fihla o eba makgwakgwa, gomme go ka se tsoge gwa bonega, eupša ge o šoma go ya ka melao ya mohlagase, e tla bonega tsela. Le a bona?

17 Bjale yeo ke tsela ye go lego ka Modimo. Phodišo Kgethwa e dirišitšwe bošaedi makga a mantši, le a bona, eupša go ne tsela. Go na le, ka therešo, phodišo Kgethwa, eupša re swanetše go šoma go ya ka melao le ditaello tša Modimo go fihla go phodišo Kgethwa. E gona.

18 Dinako tše dingwe o makala gobaneng ba bangwe ba fodišitšwe, gomme ba bangwe ba sa fole. Gabotse, ke ka gobane yo mongwe a ka tla ka tsela ya molao, gomme yo mongwe o leka go dira go kgaoletša. Eupša Modimo ga a ne go kgaoletša go itšego, bohle re tla ka tsela ya go swana. Ga go na go beba motho ka Modimo.

19 Kafao bošegong bjo, ke naganne ke tla no bolela le lena mohuta wa go tlwaelana le lena. Gomme ke yo moswa go wena, gomme o yo moswa go nna, eupša efela, ga re basetsebane, re banešu ba bohlokwa, dikgaetšedi tša tumelo ye e lego ka go Kriste Jesu. Re baeti mo le basetsebjane, re badiiledi mmogo, re lebeletše Toropokgolo, ye Moagi le Modiri wa yona e lego Modimo, fao moo re hlologelago go ba, gomme re leetong mmogo ka tsela yeo.

20 Bjale, pele ke bala feela karolo ye nnyane ya Lengwalo fa, temana, goba *se sengwe gape*, a re inamišeng dihlogo tša rena feela nakwana, ka gare le ka ntle, ge le rata, ba bohlokwa, ge re bolela le Morena wa rena yo bohlokwa.

21 Tate wa rena wa Legodimong wa Mogau, ka nnete ke monyetla wo mogolo woo re nago le wona bošegong bjo, go tla le go Go bitša Tate wa rena. Go tsebeng gore re fetile lehung go ya Bophelong, gobane:

. . . Modimo o ratile lefase gakaakang, gore o neetše ka Morwa wa gagwe a tswetšwego a nnoši, gore mang le mang a dumelago ka go yena a se ke a senyega, eupša a be le bophelo bjo Bosafelego.

22 Gomme re thabile kudu, Morena, bošegong bjo, gore re batšeakarolo ba mogau wa Gagwe le ba Bophelo bjo Bosafelego bjo. Ga go selo se re se dirilego, goba selo se re ka kgonago go se dira, seo se tla swanelago tšhegofatšo ye bjalo, eupša ke ka mogau wa go ikema wa Modimo. Gomme ka go kokobela re a e amogela le go e dumela, gomme ka tlhokofalo re botša ba bangwe ka Tsela ya Modimo, Tsela ye e filwego go phonyokga bogale bja Modimo ka Letšatši la Kahlolo, le go ba mogwera go Yena, go tsena ka Bogoneng bja Gagwe le disoulo tša go hlatswiwa ka Madi a Morwa wa Gagwe, Kriste Jesu.

23 Gape re rutilwe ke Lentšu la Gago la mogau kudukudu, Morena, gore “O gobaditšwe ka baka la dikarogo tša rena, gomme ka megogoma ya Gagwe re fodišitšwe.” Oo, bošegong bjo ge re nagana ka yona, ge Dafida a goleditše gomme a re:

Šegofatša MORENA, O soulo ya ka: le tšohle tše di lego ka go nna, šegofatša leina la gagwe le lekgethwa.

Šegofatša MORENA, O soulo ya ka, gomme o se lebale dikholo tšohle tša Gagwe:

Yo a lebalelago makgopo ohle a gago; gomme a fodiša malwetši a gago ohle;

24 Re thabile bjang bošegong bjo, Morena, go tseba ka tiišetšo ye e šegofetšego ye re nago nayo, gore go na le mašokotšo ao a ka gogwago go pholisi!

25 Gomme re a rapela bošegong bjo, Morena, gore O tla re šegofatša ka tsela ya go ikgetha. Ge ke lebelela, go engwe ntle mafastereng ge ba etla go theoga melokoloko ya—ya difatanaga, le go boneng dipelo tše bohlokwa, tša go swarwa ke tlala, di eme ntle fale ka dihlogo tša bona di inamišitšwe le go letela tšhegofatšo go tšwa go Modimo, goba go kwa se sengwe seo se tla bolelago khutšo go bona, goba se tla ba hlohleletšago leetong, re a kgopela gore O tla ba šegofatša, bao ba emego go dikologa lebatong, le go dikologa maboto le mekgoba, ba dutše, ba bangwe ka dikoloing. O Morena, a nke go se be le soulo ye e swerwego ke

tlala e tloga ntle le go tlatšwa ka tlhologelo ye nngwe le ye nngwe ba e tlelago. E fe, Morena.

²⁶ Ge go na le yo a itšego ka Bogoneng bjo Bokgethwa yo a babjago le go hloka, a nke ba tloge kopanong ye bošegong bjo, ba fodile. Ge go na le e ka ba mang ntle le kholofelo, ntle le Modimo, ntle le Kriste, a nke ba ye ka komiki e tletše wa go falala ka lethabo, gore ba hweditše Jesu, Mothopo wo o sa lapišegego wa Bophelo bjo Bosafelego. E fe, Morena. Ekwa dithapelo tša rena, gomme bolela le rena ka Lentšu la Gago. Ka gore re a e kgopela, Leineng la Jesu. Amene.

²⁷ Godimo ka go pu—pu Puku ya Jesaya, ke rata go bala, nakwana feela, karolo ya Lengwalo, ke ya go tšea tema ya 1 gomme temana ya 18. Bohle re a e tseba, eupša ke tla no rata go e bala.

*Etlang bjale, . . . a re faneng mabaka mmogo, go rialo
MORENA: le ge dibe tša lena di le tše khubedu, di tla ba . . .
tše tšhweu boka leswele; le ge di ka ba tše khubedu bjalo
ka madi, di tla ba bjalo ka wulu.*

²⁸ Ke sehlogo sa kgale sa go tlwaelega sa Lengwalo. Gomme ke nno nagana ka sona ge ke etla tlase lehono, gomme o be a nagana ka seo ke selo sa go ratha, ge Modimo, Mohlodi wa Magodimo le lefase, a tla laletša tlholo ya Gagwe, batho, go tla go fa mabaka le Yena. A tlhompho go ba le Modimo go fa taletšo!

²⁹ Le a tseba, O be a se a swanela go dira seo, eupša O e dirile. Gomme O laleditše “mang kapa mang a ratago, a ka tla.” O be a no se hlaole motho yo a itšego, goba sehlopha se se itšego, goba kerekeleina ye e itšego, goba mmala wo o itšego, O rile, “Mang kapa mang a ratago, a a tle.” Gomme ka gona ke na le nnete gore seo se ra gore yo mongwe le yo mongwe wa rena o na le tokelo.

³⁰ Seo se ntira bokaonana bošegong bjo, go tseba seo, go feta go ka be go bile ge Lengwalo le rile, “A nke William Branham a tle,” gobane go ka no ba William Branham go feta o tee. Eupša ge A rile, “mang kapa mang a ratago,” ke a tseba gore e akaretša le nna, gomme e a go akaretša, gomme bohle re na le tokelo go Mohlare wa Bophelo.

³¹ Go na le dilo tše dintši tšeo re ka hlompfiwago ka tšona: Modiredi yo a itšego a ka re laletša go kereke ye e itšego, gomme e tla ba tlhompho; sosaete ye e itšego ya toropokgolo e ka re laletša go lefelo la bona, gomme e tla ba tlhompho; goba ke tla bolela se: Go ka reng ge morategi mopresitente wa rena, Dwight Eisenhower, a laleditše Modemocrat yo mokaonekaone a lego ka Tifton, go tla go mo etela? Le ge a fapane le yena ka dipolitiking, e tla ba tlhompho go yena, gobane Mopresitente Eisenhower o a bitša.

³² Gomme ke tla bolela se: Ge a dirile selo se sebjalo, re tla ikgantšha ka sona gohlegohle nageng, gore Mopresitente Eisenhower o re laleditše go tla White House go boledišana

ditaba le yena. Gobaneng, dikuranta di tla e rwa, seyalemoya se tla tlala ka yona, thelebišene e tla e kwalakwatša mogohle, gobane Mopresitente Eisenhower o re laleditše go tla White House go e boledišana le yena. A tlhompho! Ka nnete re ka se e gane.

³³ Eupša naganang, gore Modimo o re laleditše! Modimo wa Legodimo o laleditše lena le nna, batho ba go šokiša ba go ba le magomo, bahloki, gomme o re laleditše go tla go Yena le go e boledišana ka Bophelo bjo Bosafelego, “le ge dibe tša rena di le tše khubedu, efela di tla ba tše tšhweu boka leswele.” Se ka godimo ga e ka ba eng nka tsogego ka e eleletša, gore Modimo a leka go fa mabaka le tlholo ye A e dirilego. Eupša O re laleditše go tla.

³⁴ Gomme ka kgonthe O gannwe ke batho ba bantši. Gomme ge re gana taletšo ye bjalo, gona re ka se letele go šegofatšwa mo go tleng ga Gagwe mo Kahlolong.

³⁵ Ka mantšu a mangwe, Modimo o bolela se sengwe boka se: “Etlang gomme a re nong go dula fase gomme re e boledišane.” Ke rata e ka ba eng boka yeo.

³⁶ Nako ye nngwe ya go feta ka Phoenix, Arizona, go be go le basetsana ba mmalwa ba Maindia ba tlile ka kopanong, gomme ba opetše koša mo setetiamong ntle fale, gomme ba rile, “Ke tla rata go e boledišana le Jesu, le go Mmotša dikgaogelo tšohle tša Gagwe.” Gomme ke naganne ka pina yela, le ka Lengwalo le. *Ke Tla Rata Go E Boledišana Le Yena.*

³⁷ E nkgopotša ka mo—mo mokgalabje wa lekhalate, nako ye nngwe, o be a opela pina, gomme feela pele a fetša, goba, a thoma go opela, o rile, “Le a tseba,” o rile, “ke boditše Morena nako ye telele ya go feta, gore ge go etla nako ya ka go ya, gore ke be ke sa nyake bothata tlase nokeng. Ge eba go ne e ka ba eng ya phošo, a re e boledišane bjale.”

³⁸ Gomme ke nagana yeo e no ba tlhagišo ye botse yeo nka kgonago go e hwetša, “Ga ke nyake bothata mo nokeng.” E ya go ba moso wa leutu. Ge Sekepe sela se gogela ntle, ke nyaka go ba le thekethe ya ka ka seatleng sa ka, le go tseba gore e lefetšwe, go tseba gore se sengwe le se sengwe se lokile, gobane, go ka se be nako go e fetša nako yeo, bokaone o e bolele bjale.

³⁹ Modimo o rile, “A re faneng mabaka se mmogo.” Go fa mabaka, ge o babja, a re e faneng mabaka le Modimo. Ge ngaka a boletše gore o ka se fole, gona a re tšeeleng taba go Modimo, gomme re dule fase le go e fa mabaka le Yena, “Morena, ke dirile phošo, eupša ge O ka no ntumelela go fola, ke tla Go direla bophelo bja ka bjohle.” E no e boledišana le Yena. Ke nagana e tla ba selo se sebotse go rena go dira seo pele ga ditirelo gosasa bošego, ba le “go e boledišana” go gonyane le Kriste.

40 Ka mantšu a mangwe, Modimo o re, “Etna a re be le khonferense mmogo, kopana ka khonferenseng, gomme a re boledišaneng seo.”

41 Ka mehla, re kwa kudu moragorago, ka dikhonferense di swarwa mogohle. Gomme khonferense ke eng?

42 Re kwele ka ga fa, nako ye nngwe ya go feta, bontši bja lena batho ba mengwaga ya ka, le elelwa ka go Ntwa ya Lefase ya II, ba bile le se se bego se bitšwa Khonferense ya Bagolo Ba Bane, moo Bagolo Ba Bane ba mebušo ya lefase le le lokologilego ba kopanego mmogo ka khonferenseng. Gomme morago ba bile le Khonferense ya Geneva; ba bile le Khonferense ya Paris. Mna. Eisenhower o sa tšo ba lefaseng le le lokologilego, a ne dikhonferense.

43 Gomme Modimo o bitša khonferense. Dilo tšohle tše kgolo tše tša go huma ka go Lentšu la Modimo, go re dira batho ba go huma go tseba gore Modimo o re file taletšo go tla go e boledišana le Yena pele ga nako.

44 Nako ye nngwe ya go feta, go be go le mosadi wa go hlaselwa ke mohlako, mo ka dinageng. Gomme boemo bja gagwe bja seemo sa gagwe sa ditšhelete le be le le fase kudu, go fihla ba be ba eya go swanela go tliša mmušo go mo thuša. Gomme ge banyakišiši ba tlile gomme ba re go mosadi yo a itšego yo, “Go tla bjang gore o diile kudu go fihla o swanetše go kgopela mmušo go go fa thušo?”

45 Gomme o file kanegelo ya mogatšagwe go beng a hlokošetše, gomme o mo tlogetše le morwa yo motee, gomme morwa yo o bile rakgwebo, gomme o be a ile kgole India. Gomme ga se nke a hwetša peni go tšwa go yena lebaka la mengwaga ye *mentši kudu*, eupša o bile le a mangwe a mangwalo a mabosebose a kilego a a bala. Gomme o rile, “Mohlomongwe o ka seemong se sebjalo go fihla a sa kgone go nthuša. Gomme ke mošemane wa go loka kudu,” o rile, “ga—ga ke nyake go mo kgopela e ka ba eng.”

Gomme o rile, “O ra gore morwa wa gago, rakgwebo, o go rometše feela mangwalo, gomme seo ke sohle a se rometšego?”

46 Gomme mme wa kgale wa go šegofala, o gogetše ntle dipaketsane tša gagwe tše nnyane, gomme a di bea godimo ga nko ya gagwe, gomme o rile, “Aowa, o nthometše tše dingwe tša diswantšho tše botsebotse nkilego ka di bona.” Gomme o ya go Beibele ya gagwe gomme o fenyekulla Beibele ya gagwe gannyane nthatana, gomme o topa sephuthelwana se segolo sa diripana tše nnyane tša pampiri, gomme a di bea fase go banyakišiši. O rile, “E no lebelelang a diswantšho tše botse!”

47 Gomme ge monyakišiši a di badile, di be di le mangwalo a pankeng. O be a turwa dikete tša ditolara, gomme o be a sa tsebe.

48 Ke ka tsela ye go lego bošegong bjo, ka batho ba bantši, ge re ka no tšea menwana ya rena go kgabola Beibele ka ditshepišo

tša Modimo, re ba go feta boradimilione ka mahumo a mogau wa Gagwe. Le ge, go sa kgathale se re se dirilego, “Etlang, a re faneng mabaka mmogo,” go boletše Modimo.

⁴⁹ O re file ditshepišo, eupša re no nagana Beibele ke se sengwe seo ke feela bareri ba swanetšego go se bala, goba seo batho ba itšego ba no ba le go—go fa mabaka gohle ka yona. Ke ya mang kapa mang a ratago. Tshepišo ye nngwe le ye nngwe e no ba ye botse le hono, bjalo ka ge e bile letšatši le e ngwadilwego ka Beibeleng.

⁵⁰ Modimo o bitša batho ba Gagwe bakeng sa dikhonferense. Khonferense ke ya eng? Gobaneng e direga? Ke ge tšhoganetšo e tsoga. Ke ge ditšhaba tšeo di lego mo motheong wo o swanago di kopana, ba dumela go selo se itšego gomme ba kopana mmogo ka ditumelelano tše di swanago, tše di nyalelanago. Gomme ka gona ba kgetha lefelo le le itšego go ba le khonferense ye. Gantši felotsoko moo go lego go gobotse le lefelo tsoko leo ba ka ikwago ba lokologile mmogo, gobane ba swanetše go ba bokaonekaone bja bona go dira ditumelelano tša bona. Ka gona, ge ditumelelano tša bona di dirwa, gona bona, gabotse, selo se ba se dirago gona, morago ga ge ditumelelano tše di dirilwe, ba ya go šoma godimo ga tšona.

⁵¹ Gomme yeo ke tsela ye Modimo a swerego dikhonferense tša Gagwe. A re yeng morago gomme re nagane ka dikhonferense di se kae Modimo a di swerego pele ga ye bošegong bjo. Khonferense ya mathomo ke nyakago go bolela ka yona feela bjale nakwana, re tla e bitša Khonferense ya Edene.

⁵² Lentšu le be le sa tšo fihla Legodimong gore ngwana wa Modimo o wele go tloga mogaung, o be a dirile sebe, gomme go bile le seemo sa tšhoganetšo se bitšwago. Modimo o ile a swanela go tliša Barongwa gomme a tloga Legodimong, gobane ngwana wa Gagwe Mong o be a wele gomme a se obamele melao ya Gagwe. Gomme e be e le kotlo ya lehu bakeng sa go se obamele melao ye. Modimo o ile a swanela go tla ka seemo sa tšhoganetšo, boka khonferense e ka ba efe e swarwago.

⁵³ Se sengwe se swanetše go dirwa, goba sohle se ile tlhakahlakanong, tlholo ya Gagwe Mong. Gomme Modimo o hlaotše mohlare wo o itšego, gomme O biditše Adama le Efa mmogo le go ba tliša godimo le go swara khonferense le bona. Gomme ge A tlile go sephetho, O dirile tsela ya go phonyokga bakeng sa ba hwago ba Gagwe. Gomme O rile, “Peu ya gago e tla tlapiriganya hlogo ya sephente, gomme hlogo ya gagwe e tla tlapiriganya serethe sa gago.”

⁵⁴ Gomme go bile nako ye nngwe yeo nka naganago ka yona, ya khonferense e biditšwego ke Modimo, gomme re tla bitša ye Khonferense ya Sethokgwa se se Tukago. Modimo o gopotše gore O dirile tshepišo go Abraham, le go, e sego feela go Abraham, eupša Peu ya gagwe ka morago ga gagwe. Gomme re Peu ya

Abraham. “Go beng go hwa ka go Kriste, re tšea Peu ya Abraham gomme re bajabohwa go ya ka tshepišo.” Modimo o gopotše gore O dirile tshepišo, gore peu yela e tla diilela ka go naga e šele lebaka la mengwaga ye makgolonne, eupša O tla ba lokolla.

⁵⁵ Gomme moprofeta yo A mo kgethilego gomme a mo tswala ka lefaseng a le moprofeta, yena, sebakeng sa go tšea tsela ya Modimo, o ile ka tsela ya bohla. O be a ile tlase ka Egepeta gomme a tsentšwe sekolo, gomme a bile le thu—thu thuto ye kgolo, a ithutile mehuta yohle ya meragelo ya sešole, gomme morago a lekile go se thopa ka tsela ya gagwe mong ya go e dira.

⁵⁶ Go ne ditsela tše pedi feela go dira e ka ba eng, gomme yeo ke tsela ya maleba, le tsela ya go fošagala; gomme yeo ke tsela ya rena, le tsela ya Modimo. Tsela ya rena ka mehla ke, phošo go ya go ile; ditsela tša Modimo ka mehla ke tša nnete. Ga go kgathale e bonala bošilo gakaakang go rena, e bonolo gakaakang, Modimo ka morago ga yona, ga se gona se ka e thibelago. Modimo o e bolela ka melaong ya Gagwe, gomme ditsela tša Gagwe di šoma ka go phethagala.

⁵⁷ Kafao, re hwetša Modimo a bitša Moshe, goba, o bone Moshe, moprofeta wa go tšhaba. Moshe o naganne, ka kgonthe, gore o be a tiile go lekanela gomme o be a le monagano wa sešole go lekanela, go lokolla bana ba Israele.

⁵⁸ Bjale ke nyaka gore le hwetše se sengwe mo: Modimo, ge A dirile motho, O mo file dikwi tše tlhano. Gomme dikwi tše tlhano tšeo ke go bona, go latswa, go kgwatha, go dupa, le go kwa, bjalo ka ge ka moka re tseba. Dikwi tše tlhano tšeo di be di se tša fiwa motho go mo hlhla, tšeo di filwe motho go kgokagana le legae la gagwe la lefaseng, go bona, go latswa, go kgwatha, go dupa, le go kwa. Gomme tšeo ke dikwi tša gago tša lefaseng, gomme ga se tša fiwa wena go go hlhla, eupša Modimo o rometše Moya wo Mokgethwa, gomme Yena ke Mohlahli wa gago, Sekwi sa boselela, seo se go dira gore o dumele dilo tše o sa kgonego go di bona, go di latswa, go di kgwatha, go di dupa, goba go di kwa.

⁵⁹ Sekwi seo sa boselela, selo se sengwe seo se go tšošago, gomme ke legoro le tee feela la batho le nago le sekwi seo sa boselela, bao ke badumedi. Bahebere 11:1 e rile, “Ka tumelo! Gomme ntle le tumelo ga go kgonege go kgahla Modimo.” Ka fao, Modimo o fa motho tumelo. Gomme tumelo ke sekwi sa boselela seo se go dirago gore o gane se sengwe le se sengwe seo se lego kgahlanong le Lentšu la Gagwe.

⁶⁰ O file Moshe tumelo yeo ge a be a le, sekwi sela sa boselela, ge a be a le bogolo bja mengwaga ye masomešupa tlhano, gomme Sarah masomeshela tlhano. Popelo ya gagwe e be e hwile, o be a phetše le yena ge e sa le a be a ka ba bogolo bja mengwaga ye lesomešupa, go se bana. O be a le bogolo bja mengwaga ye masomešupa tlhano, a no ba bjalo ka mohu, gomme Modimo o mmoditše o be a eya go ba le lesea. Gomme o biditye e ka ba

eng kgahlanong le yona, mo o ka rego e be e se, ka gore o be a kgodišegile ka botlalo gore Modimo o be a kgona go boloka Lentšu le lengwe le le lengwe A le boletšego.

61 Ga se a no leta go tloga bošego bjo botee go ya go bjo bongwe, o letile mengwaga ye masomepedi tlhano pele e ka tsoge ya direga, eupša ga se nke a šitwa nako e tee. “Ga se a thekesela go tshepišo ka gosedumele; eupša o be a tiile, a efa tumišo go Modimo.” O bile le kgwatho ya sekwi seo sa boselela, o bidityše se sengwe le se sengwe kgahlanong le seo Modimo a se boletšego, mo o ka rego se be se se gona. Se Modimo a rilego e be e le therešo, gomme ka morago ga mengwaga ye masomepedi tlhano lesea le belegwe.

62 Oo, ke a tseba go bonala bošilo go monagano wa motho. A o ka eleletša mokgalabje fa ka Tifton, wa bogolo bja mengwaga ye lekgolo, le mosadi masomesenyane, ba eya tlase go ngaka go dira ditokišetšo bakeng sa go ba le lesea? Gobaneng, ngaka o tla re, “Mokgalabje o mohuta wa go tshereana ka hlogong ya gagwe, go ne se sengwe sa phošo.” Yeo ke nnete. Mo tabeng ya Abraham, o be a tšere Modimo ka Lentšu la Gagwe, gomme ka mehla ke bogafa go monagano wa nama.

63 Gabotse, leo ke lehumo le bohlokwa ka monaganong wa Modimo, le ka pelong ya Modimo, gore A kgone go šomiša motho yoo. Go fihla ge re fihla lefelong mo re—re sa itshamego godimo ga dikwi tše tlhano tše, tša go kgokagana le legae la lefase, le go sepela ka tumelo, “Ka gore moloki o tla phela ka tumelo.”

64 Moshe o be a hloka kgwatho yeo, o lekile go e dira ka bohlae. Seo ke se e lego bothata ka dikereke tša letsatši la rena, re leka go e dira ka dikolo, re leka go e dira ka dikerekemaina, re leka go e dira ka thuto, le mpshafatšo. Se kereke e se hlokago ke tswalo ye—ye mpsha, kolobetšo ya Moya wo Mokgethwa, kgwatho ya sekwi sa boselela yeo e dirago soulo go swa bakeng sa Modimo, kgwatho yela go mo ntšha ka go tlhagaraga yela.

65 Ge ba thoma go re, “Matšatši a mehlolo a fetile, gomme ga go selo se sebjalo bjalo ka phodišo Kgethwa,” Modimo o hloka go kgwatha kereke yela, go bitša khonferense. Gobaneng re ka belaela Lentšu la Gagwe?

66 Kafao O bidityše khonferense le Moshe, gomme O hlaotše lefelo, sethokgwa se se tukago. Gomme mo sethokgweng sela se tukago, O boletše le Moshe gomme o rile, “Ke elelwa tshepišo ya Ka, gomme Ke go roma tlase mošola, mola o šitilwego, eupša Ke go romela thwi morago go tšea moo o tlogetšego, eupša nako ye, go ya go fapana.” Moshe, lefšega, a tšhabela Modimo.

67 Oo, nako ye nngwe ge o kopana le Modimo le go ba le khonferense le Yena, gomme O a go kgwatha, le go tliša fase sekwi sela sa boselela, maatla ale, go go dira gore o dire dilo tšeo batho ba naganago gore o a gafa.

68 Lebelelang a phapano: Lefšega le kitimela godimo ka morago ga dithokgwa go diša dinku tša Jethero letšatši le lengwe, o kopane le Modimo ka khonferenseng sethokgweng se se tukago, gomme letšatši la go latela, šo o ya tlase Egepeta, mokgalabje, bogolo bja mengwaga ye masomeseswai, moriri wo mošweu le maledu a lekeletše godimo ga sefahlego sa gagwe, mogatšagwe a nametše moula le segotlane letheheng la gagwe, lepara ka seatleng sa gagwe, maledu a mašweu, a eya.

“O ya kae Moshe?”

69 “Ke ya tlase Egepeta go thopa.” Tlhaselo ya monna o tee, eupša selo sa yona ke, o e dirile, gobane o bile le khonferense le Modimo. Gomme o hweditše kgwatho ya se sengwe seo se bilego, o fetotše monagano wa gagwe. O lebetše thutamodimo ya gagwe, gomme o tšere Modimo Lentšung la Gagwe. O rile, “Re ya tlase go thopa.”

70 Eba bjalo ka monna yo motee a eya godimo le go thopa Russia, madira a magologolo ka lefaseng. Eupša o e dirile gobane o bile le khonferense gomme o e boledišane le Kriste.

71 Seo ke se re se hlokago bošegong bjo. Kereke ya Pentecostal bošegong bjo, e hloka khonferense, pitšo mmogo, go boledišana le Modimo go romela morago maatla a fešene ya kgale a Pentecostal, Moya wo Mokgethwa, morago ka kerekeng, le go phediša tumelo, le go fa dikopano seo di bego di fela di eba le sona.

72 E be e le khonferense ka kgonthe. Eupša gona ge A . . . Go ne mohuta wo mongwe wa khonferense. Ka morago ga ge motho a latetše thomo ya Modimo, bjalo ka ge Moshe a dirile, gomme a ntšhitše bana ba Israele go tšwa Egepeta, gomme o be a le tseleng ya gagwe go ya nageng ya tshepišo, thwi ka tsela ye Modimo a mmoditšego go ya, gomme ka gona o tlile godimo kgahlanong le sešitiši.

73 Seo ke se kereke e se dirilego bošegong bjo, seo ke se bontši bja rena re se dirilego ka go maphelo a rena—a rena, re tla godimo kgahlanong le se sengwe, eupša ge e le ka tsela ya tshepišo, ge e ka ba eng e eme ka tsela ya tshepišo, re ne tokelo go swara khonferense.

74 Mo go be go le Israele, Moshe a ba etapele, Pilara ya Mollo e eya pele ga bona, gomme fa go be go le Lewatle le Lehubedu le ba kgaogantše le Palestina. Thwi ka mothalong wa tšhegofatšo, mo go tla Lewatle le Lehubedu, gomme madira a Farao ka morago ga bona, le dithaba ka lehlakoreng le lengwe le le lengwe. Ebile le tlhago e tla goeletša ntle bakeng sa kgaogelo.

75 “Oo,” Israele e rile, “re duma go Modimo gore re ka be re hwetše tlase kua ka dipitšeng tša nama tša Egepeta! Feela ka pela go hwela tlase kua, go phala go tla ntle mo gomme ra gagarwa ke Farao.”

76 Eupša Moshe, moetapele yo mogolo yola wa sona, o bile le khonferense le Modimo pele, o tsebile se go bego go se ra go ba ka bothateng.

77 Batho ba bantši ba ba tswetšwego seripa, karolo ya tsela ye ba tswetšwego, ditlogolobarwa . . . Bjalo ka ge David du Plessis a boletše bošego bjo bongwe, “Modimo ga a na ditlogolo, O na le feela barwa le barwedi.” Eupša ge go etla go lefelo moo setlogolo, seo se sa tšogo tsentšhwa, gobane mmagwe o be a le Mopentecostal, goba tatagwe e be e le Mopentecostal, o ba karolo ya kereke, aowa, mohlomphegi, o swanetše go tswalwa feela boka papagwe a bile, gobane Modimo ga a ne ditlogolo. O swanetše go ba le boitemogelo. A ka se kgone go ya ka gare ka boitemogelo bja papa, goba boitemogelo bja mama, o swanetše go ba le boitemogelo bja gago mong. Yeo e bile tswalo ya bona, le a tseba, o swanetše go ba le tswalo, le wena.

78 Modimo ga a lemoge ditlogolo, ga A na le e ka ba dife; bohle ke barwa le barwedi.

79 O re, “Gabotse, ke tswetšwe, gomme mme wa ka le tate ba be ba le Methodist, gomme ke tšeetšwe ka go kereke ya Methodist.”

80 Seo se lokile, eupša o setlogolo go fihla o tswalwa ka Moya wa Modimo, ke gona ga o setlogolo.

81 Bjale, Modimo o gopotše tshepišo ya Gagwe, gomme O rometše Moshe. Gomme ba be ba etilepele bana go fihla lefelong le, gomme thwi ka mothalong wa mošomo, wa go etapele bana ba Israele, lepheko le tla tseleng.

82 Lena, ka ntle bošegong bjo, bontši bja lena le a babja. Mohlomongwe le bahlanka ba kgonthe ba Kriste, gomme le dirile se se bego se swanetše, bokaonekaone bja tsebo ya lena, eupša kankere e kgabagantše tsela ya gago, sehloga, bofofu, bofoa, bogole, se sengwe se kgabagantše tsela ya gago ka mothalong wa mošomo, gona ke nako go bitša khonferense, ke nako go dira se sengwe ka yona.

83 Moshe o ya godimo ka morago ga leswika, gomme o dutše fale go fihla a hwetša ditaello tša go matšha.

“O ya go dira eng, go wela morago go Farao?”

84 O rile, “Bolela le bana ba Israele, gore ba ye pele.” Gore . . . Madira a Modimo—a Modimo ka mehla a matšhetša pele, ga go gomela morago ka go wona le gatee, ga go gomela morago ka sešoleng sa Modimo, ga A ne se sebjalo, re ya pele.

85 Gomme o sepeletše go Lewatle le Lehubedu, gomme ge a dirile, o emišitše lepara la Modimo pele ga Lewatle le Lehubedu, gomme le bulegile gomme ba tsheletše mošola godimo ga naga ya go oma. Modimo o dira tsela ya go phonyokga. “Ditlaišego tša moloki di atile, eupša Modimo o rata go ba lokolla go tšwa go tšona tšohle. Gomme bohle ba ba phelago bomodimo ka go

Kriste Jesu ba tla tlaišega ka ditlhomaro.” Khonferense e be e swerwe, ditaelo di filwe, gomme ba ile ba matšhetša pele.

⁸⁶ Go bile le khonferense ye nngwe. Re ka bitša ba bantši, eupša bona batho ba go šokiša ba eme ntle fale ba a romela. Theetšang, go bile le khonferense ye nngwe e biditšwego, yeo e bego e le ka Getsemane, bošego bjo bongwe. Ge Kriste a kgahlile Modimo, go fihla A biditše khonferense, le go bolela se sengwe boka se: “O nyaka go ya go e kgabola, goba a O tla retologela morago?”

⁸⁷ Gomme sephetho se dirilwe: “E sego thato ya Ka, eupša ya Gago e dirwe.” A khonferense! “E sego thato ya Ka, eupša ya Gago e dirwe.”

⁸⁸ Go bile le khonferense e biditšwe, gape, kua Khalibari. Go bile le khonferense e biditšwe ka holong ya kahlolo ya Pilato, “Ke bomang ba tla emago ka kokotlo wa bona o lebišitše sefepi?” Ka gore mopofeta o rile, “O gobaditšwe ka baka la dikarogo tša rena, ka megogoma ya Gagwe re fodišitšwe.” Khonferense e be e bitšwa, gomme Jesu o tšere lefelo, gobane O be a le Yena a nnoši yoo a kgonneggo go tšea lefelo, ga go yo mongwe gape a bego a ka kgona go e dira. Gomme O e dirile, gobane O re ratile.

⁸⁹ O rata go e boledišana le rena bošegong bjo, bakeng sa e ka ba eng yeo A e tlaišegilego ka yona fale, gobane O tšere lefelo la rena. “Kotlo ya rena ya khutšo ya rena e be e le godimo ga Gagwe; ka megogoma ya Gagwe re *ile* ra fodišwa,” lebaka le le fetilego. O tla e boledišana le rena.

⁹⁰ Gona, ke nyaka go bolela ka boripana ka khonferense ye nngwe, go bile le khonferense ye nngwe e biditšwego. “Ke mohuta ofe wa Kereke Kereke ye mpsha e swanetšego go ba, Kereke ya Bokriste? A re swanetše go E sepediša ka *semangmang*, goba a re swanetše . . . ? Re swanetše go e dira bjang? Ke mohuta mang wa Kereke E swanetšego go ba yona? A E swanetše go ba kerekeleina, goba a E tla ba boingwadišo, goba a E tla ba *se*, *sela*, goba *se sengwe*, goba a ba tla no ba se sengwe se se hlaotšwego?” Kafao go bile le khonferense e swerwe ka Legodimong. Ka mehla ge go na le khonferense, lefase ka moka le a dula gomme la leta.

⁹¹ Fa nako ye nngwe ya go feta, modiredi o rile go nna, o rile ge Mussolini a be a dira ya gagwe, a swere khonferense ye mo nakong ya ntwala ya bobedi ya lefase ge lefase lohle, yo mongwe le yo mongwe, o be a amegile (Batho ba bangwe ba ngangana gobane ba be ba se ne swikiri ka go kofi ya bona, swikiri ya go lekanela, gomme banna ba ehwa tšhemong; re batho ba go se leboge.), gomme o rile o be a sepela lebatong, o be a sa tsebe a dire eng, go šetša le go theetša kgašo ye yeo Mussolini a bego a e dira, ka fao a bego a eya go hlasela le go ya pele, dilo tše bjalo tšeo a bego a bolela ka tšona.

⁹² Gomme o rile yo mongwe o kokotile mojakong, gomme o ile mojakong, gomme o rile legwaragwara la sebjalebja, le eme

fale ka moriri o lekeletše go theoga molala wa gagwe, le maledu godimo ga sefahlego sa gagwe, gomme o rile, “Ke nyaka o ye tlase toropong, nthuše go rekiša theto ya ka. Ga go yo a nyakago go bolela ka yona.”

⁹³ O rile, “Tsena monna wa gešo, gomme o dule fase motsotso. Ke ne kgahlego kudu fa, go na le khonferense e a kгатlampana, gomme ke letile go kwa se dipoelo, di yago go ba, gobane go—go ra bontši go setšhaba sa rena le masogana a rena ao a tla swanelago go hwa mo lebaleng.” O rile, “Ke ne kgahlego go kwa se dipoelo tša khonferense ye di tla bago.”

⁹⁴ Legwaragwara lela le kitimetše gare ga gagwe le seyalemoya, gomme la tšwelapele la re, “Eupša theto ya ka—ya ka—ya ka e bohlokwa kudu.” Oo, nna! O nno mo tšea ka letsogo, a mo hlahlela mojakong.

⁹⁵ Ge re letile khonferense! Bošegong bjo, re swanetše go be re letile khonferense: Modimo go tšea sephetho ke eng se se yago go direga ka Tifton, bošegong bjo. Ke mang a yago go dumela pego? Go ya go direga eng ka go matšatši a mabedi goba a mararo a go latela ka Tifton?

⁹⁶ Ge batho ba ba ile godimo go kamora ya ka godimo, lekgolo le letee le masomepedi, le Maria, le Simone Petro, gomme ka moka ga bona ba rotogela ka phapošing ya ka godimo, e lego manamelo a mannyane ao a išago ka ntle ga tempele, go kamora ya kgale ya go nola moko moo mabone a mannyane a krisi a bego a tuka, gobane ba be ba laetšwe ke Morena Jesu, “Letang lena ka toropongkgolo ya Jerusalem, go fihla le hlamišwa ka maatla go tšwa Godimo. Ke ya godimo ka Letagong, gomme re tla swara khonferense, gomme Ke tla le botša nako yeo, ka fao Kereke e swanetšego go sepedišwa.”

⁹⁷ Ge ba be ba sa kgobokane ka lefelong le tee le mmero o tee, ba makala ke mohuta ofe wa thomo ba tla bago le yona go ya le go roma go lefase lohle gore batho bohle ba swanetše go ba le Kereke ye ya Bokriste, le kopanelo gore e tla hlola, ge ba be ba sa kgobokane ka lefelong le lennyane e sego le legolwane go feta le mo, e ka ba batho ba lekgolo masomepedi, ka pelapela go tlile modumo go tšwa Legodimong boka phefo ye maatla e tšutlago, gomme e tladitše ntlo yohle moo ba bego ba dutše. Khonferense e be e swerwe, sephetho se be se dirilwe.

⁹⁸ Ngwanešu, kgaetšedi, o se nkwele thoko, yeo ke—ke tsela tlwa yeo kereke ya Bokriste e swanetšego go swarwa, ge e le kereke ya Bokriste. Khonferense ya Modimo e tšere sephetho, gomme Moya wo Mokgethwa wa tla ka Letšatši la Pentecost, gomme ba thekesela kudu go batho bale ka maatla a Modimo, go fihla ba thekesela boka banna le basadi ba go tagwa. Tšeo ke dipoelo tša khonferense.

⁹⁹ Ka morago ga ge ba tladitšwe ka maatla a mantši kudu le thabo ye ntši kudu, Petro a eme godimo magareng ga bona o rile,

“Ba ga se ba tagwa bjalo ka ge le nagana, go boneng e no ba iri ya boraro ya letšatši, eupša,” o rile, “se ke sa Lengwalo, *Se* ke *Sela* se boletšwego ke moprofeta Joele.” Ka mehla ke dirile setatamente se: Ge *Se* e se *Sela*, ke tla no boloka *Se* go fihla *Sela* se etla. “*Se* ke *Sela* se boletšwego ke moprofeta Joele; gomme go tla tla go phethega ka matšatšing a mafelelo, go boletše Modimo, Ke tla tšhollela Moya wa Ka godimo ga nama yohle: barwa ba lena le barwedi ba lena ba tla profeta; godimo ga balata ba Ka le bahlankagadi, Ke tla tšhollela Moya wa Ka; gomme Ke tla bontšha maswao ka legodimong godimo, le ka lefaseng tlase, dipilara tša muši le lefokameetse.”

¹⁰⁰ Ee, go bile le khonferense e swerwe. Gomme morago matšatši a se makae, e ka ba matšatši a lesome morago ga fao, ba be ba thomile go kgabola kgoro ye e bitšwago ye Botse, banna ba babedi, Petro le Johane, gomme fale go be go robetše monna yo a bego a golofetše, goba o be a golofetše go tloga popelong ya mmagwe. Gomme seo se netefatša gore ba be ba le bareri ba Pentecostal, ba rile, “Silibere le gauta, ga ke natšo, ga ke ne tšhelete e ka ba efe; eupša se ke nago le sona . . .”

¹⁰¹ Seo ke se Pentecost e se hlokago lehono, se ba bilego le sona, seo ke tlhokego ka kerekeng lehono, e sego feela Pentecost, eupša Baptist, le Presbyterian, le Methodist, yeo ke tlhokego ya rena bohle.

¹⁰² “Se ke nago le sona, ke a go fa: Leineng la Jesu Kriste wa Nasaretha, emelela gomme o sepele,” a mo kuka ka diatla, gomme a amogela maatla gomme a thoma go taboga le go tumiša Modimo ge a be a tsena tempeleng.

¹⁰³ Bafarisei ba tlile ntle, gomme ba rile, “Ba ka se be le kopano ye bjalo ka toropongkgolo, gobane e tla tliša feela dipelo tše mpe.” Kafao, ba ba tlišitše mmogo go Kgorotsheko ya Sanhedrin, gomme ba ba itia ntle le kgaogelo, gomme ba ba bea pele ga lekgotla la baahlodi la Kgorotsheko ya Sanhedrin. Gomme ge ba eme kgorongtshekong, gomme ba rile, “Re a bona gore bobedi ga ba tsebe selo le go se rutege,” ga go seminari ba kilego ba ba le boitemogelo go tšwa go yona, “eupša re ile ra swanela go ba lemoga, gore ba be ba na le Jesu,” gobane dilo tša go swana Jesu a di dirilego, ba be ba di dira. “Re ile ra swanela go lemoga gore ba be ba na le Jesu.”

¹⁰⁴ Oo, seo ke se kereke e se hlokago lehono, maatla a mabjalo gore ba swanetše go hlokomela gore o bile le Jesu. Yeo ke tlhologelo ya pelo ya ka, go phela bophelo bjoo batho ba tsebago gore Kriste o phela ka gare ga rena.

¹⁰⁵ Oo, a nako! Ka gona ge ba lokollotšwe, ge ba ba betha gomme ba ba botša go se rere gape Leineng la Jesu, ba ba tšhošeditše pejana gomme morago ba ba lesa ba tloga, ge ba lesitšwe gore ba tloge, ba ile ba ya go sehlopha sa bona beng se sennyane. Ge ba etla mmogo, banna ba be ba etšwa mafelong a mangwe, ba

re, “Re tlaışegile ka mokgwa wa go swana. Re swanetše go dira eng?” Kafa o ba swere khonferense. Yeo ke tsela ya go e dira. Seo ke se sebotse, selo sa go kwagala. “Re tšhořitšwe, gomme re bile se, gomme re iteilwe, a re swareng khonferense.”

¹⁰⁶ Gomme ge ba kgobokane mmogo, bohle ba ile fase matolong a bona ka khonferenseng ye, gomme ba rapela ka mmero o tee, ba rile, “Wena Modimo, go ngwadilwe ka Mangwalong, ‘Gobaneng bahetene ba befetšwe gomme batho ba eleletša selo sa lefeela.’ Efa bahlanka ba Gago sebetse sohle go bolela, le maatla go otlollela pele seatla sa Ngwana yo Mokgethwa wa Gago, Jesu, go laetša maswao le dimaka le phodišo.”

¹⁰⁷ Gomme ge khonferense yela e fedile, ditaelo di tllile, gomme ba šikintše moago moo ba kgobokanego mmogo, maatla a Moya wo Mokgethwa. Gomme ba ile pele ba rera Lentšu, mogohle, ka sebetse, ba otlolla seatla sa Jesu Kriste godimo ga batho ka tumelo le go fodiša balwetši.

¹⁰⁸ Modimo o nyaka go e boledišana le rena bošegong bjo. Bothata ke eng? Re lobile se sengwe felotsoko, ge tšona dilo di sa ya pele. O nyaka go swara khonferense le rena, go e boledišana. Bjale, ke mo go tšoenka ka gare le lena ka khonferenseng ye.

¹⁰⁹ Bjale go no ba khonferense e tee gape yeo ke tla ratago go bolela ka yona feela pele ga go tswalela, gomme yeo ke yona ye: Khonferense ya Kahlolo. O ka no be o se wa tsenela UN, o ka no be o se wa ba go Liki ya Ditšhaba le dikhonferense tša bona, o ka no be o se wa ba ka khonferenseng ya kakaretšo ya Assemblies of God, goba khonferense ya kakaretšo ya Church of God, goba khonferense ya kakaretšo ya Methodist, goba—goba khonferense e ka ba efe, o ka no be o se wa ba ka go Bago Ba Bane, o ka no be o se wa ba ka Geneva, eupša go ne selo se tee sa nnete, o ya go tsenela ye ya mafelelo.

¹¹⁰ Bohle re ya go ba fale, gomme re ya go fa lebaka bakeng sa se sengwe le se sengwe seo re se dirilego. Gomme ge Lengwalo le etla pele ga rena, “Le ge dibe tša lena di le tše khubedu, di tla ba tše tšhweu boka leswele. Etlang bjale, a re faneng mabaka mmogo, go rialo Modimo.” Re ya go reng ka nako yeo?

¹¹¹ Oo, yo mongwe a ka bolela se, ke tla rata go bolela se go batho ka gare le ka ntle, o ka no re, “Eupša, Moreri, ke no ba monna wa modiidi, Modimo ka nnete ga a ntlhoke.”

¹¹² Oo, ee O a dira. Go na le lefelo le lennyane ka pelong ya Modimo, go bolela pina, gomme ga e no ba pina, e sa le, therešo, gore ga go yo mongwe gape a ka kgonago go tšea lefelo leo eupša wena. Modimo o bolela le wena, ke wena, ke wena o nnoši o ka kgonago go phethagatša lefelo leo ka pelong ya Modimo, O go letile. O nyaka go e boledišana le wena. O nyaka go ba le khonferense le wena, “Etlala gomme o fe mabaka mmogo pele o swanetše go kopana le Kahlolo ye, gobane go ya go šiiša nako

yeo.” Gomme o ka se kgone go e boledišana nako yeo, go thari kudu nako yeo.

113 O re, “Eupša ke no ba hobo.”

114 Ga ke kgathale se o lego.

115 “Ke nna letagwa. Ke nna mo—mo—mo mosadi wa moitshwarahlephi. Ke dirile phošo moreri, ke—ke phetše go se rereše go dikeno tša ka tša lenyalo, goba—goba ke—ke dirile dilo tša bohlaswa. Ke nwele, ke kgogile, ke kemptše, ke utswitše, ke akeditše.”

116 Ga ke kgathale se o se dirilego, Modimo o go biditše, o rile, “Etlang, a re faneng mabaka mmogo; dibe tša gago di ka no ba boka letsoku, di tla ba tše tšhweu boka leswele ge o ka no tla a re e boledišane gannyane nthatana. Re a go hloka.”

117 Nako ye nngwe ya go feta, go be go le, ka toropongkolo, gabotse, bokaone ke se bitše leina, eupša go be go le hobo ya kgale go bonagetše go o ka re, lelalaphaephe la kgale mo mokgotheng, yoo a ilego a thulwa ke sefatanaga. Oo, marapo a gagwe a be a robegile, gomme matsogo a gagwe a robegile, gomme sefahlego sa gagwe sohle se be se šilagantšwe, gomme madi a elega ntle, gomme a thutšwe a idibala. Kafao ba mmušo ba biditše ambulense, gomme ba mo kitimišeditše godimo go sepetlele se itšego se segolo.

118 Gomme pele ya tšhoganetšo e llile, gomme dingaka, ba rile, “Ke tšhoganetšo, o swanetše go kitimela wotong, ka pela. Gomme ge dingaka di tlile mmogo, ba lebeletše go be go robetše fale godimo ga, a otlogile godimo ga tafola, madi a kitima go tšwa mahlong a gagwe, nko, molomo, le ditsebe. Mokgalabje o bonagetše a idibetše. Ba mo šikintše, gomme ba mo lebeletše godimo gannyane nthatana, gomme ba rile, “Oo, nna! Maoto a gagwe a robegile, matsogo a gagwe a robegile, dikgopo tša gagwe di robegile.” Ba rile, “A re beng le khonferense ye nnyane, re boledišaneng se.”

119 Lebakeng la nako ya khonferense, mokgalabje o phafogile, gomme dingaka, ba swere khonferense ya bona, ba rile, “Yena ga se selo eupša hopo, ga gwa swanela nako ya rena go bapala le yena.” Gomme ge ba boa, ba rile, “E no mo phuthelang.”

120 Moisa wa kgale o retologile, gomme o rile, “Ke swanela se sengwe,” o rile, “Modimo o nthatile kudu go fihla A file Morwa motswalwanosi wa Gagwe gore ke be le Bophelo bjo Bosafelego, gomme, ka nnete, ke swanela metsotso e se mekae ya nako ya lena. Ke rerile Ebangedi mekgotheng, le mogohle, lebaka la mengwaga ye masometlhano.” O rile, “Ke na le maswanedi a go lekanela go lena go lokiša maoto a ka, le go a bea morago mmogo, goba se sengwe.” O rile, “Modimo o nthatile, gomme O file Morwa wa Gagwe bakeng sa ka, gomme ke swanela se sengwe.”

¹²¹ Nnete, o na le soulo ye e turago mafase a dikete tše lesome. E boledišane le Yena bošegong bjo, mogwera, feela mantšu a se makae a tla ra bontši kudu. A re inamišeng dihlogo tša rena, feela nakwana bjale. Ke tla rata yo mongwe le yo mongwe wa lena go nagana ka pelong ya gago, “A ke swanela e ka ba eng?” Kgontho, o a dira. Modimo o a go rata, lebelela se A go filego sona.

¹²² Gabotse, ke tseba bjang O tla go amogela? Yona kgopolo ya gago go lemoga gore o phošo, ke dintlha gore Kriste o mekamekana le wena. O rile, “Ga go motho a ka tlogo go Nna, ntle le ge Tate wa Ka a mo goga pele.” Seo se bontšha gore Modimo o thwi kgauswi le wena, a go goga. O nyaka go swara khonferense ye nnyane le wena, fale ka setulong sa gago, goba o emego tikologong ka mokgobeng, ka lebotong, goba ka ntle, o itshamilego ka moago, goba ntle ka dikoloing tša lena, Moya wo Mokgethwa. Oo, ke a tseba go bonala bonolo. “Ke kwele seo pele, lena. . .” Eupša ke therešo. O nyaka go swara khonferense ye nnyane le wena bjale le go no e boledišana le wena.

¹²³ Mohlomongwe ba bangwe ba lena ba a babja gomme—gomme o—o nyaka Modimo go go fodiša, gomme o tla re, “O Modimo, bothata ke eng ka nna?” Modimo o nyaka go e boledišana le wena. Bjale senkasenka pelo ya gago go bona se e lego phošo.

¹²⁴ Ge re sa ne dihlogo tša rena di inamišitšwe, ke a makala ke ba bakae bao nka kgonago go ba bona. . . Ga la swanela go ba bona, Modimo o a bona. Ge o le ka koloing ya gago, ka ntle goba ka moagong, ka go no homola, ka dihlogo tša lena di inamišitšwe bjale gomme mahlo a gago a tswaletšwe, o tla no phagamiša diatla tša gago, gomme wa re, “Modimo, ke tla rata go e boledišana le Wena, bošegong bjo.” Modimo a go šegofatše. Oo! “Ke tla rata. . .” Oo, ka ntle mogohle, e ka ba kae o lego, “Ke tla no rata go e boledišana, Morena.” Modimo a go šegofatše.

¹²⁵ Diatla tše dingwe tše masomepedi goba masometharo godimo ka moagong. Ga ke bone, ga ke kgone go bona go kgabola leswiswi ka ntle, goba ka dikoloing, eupša Modimo o tseba yo mongwe le yo mongwe wa lena. Le ka rata go e boledišana, gabotse, a re bitšeng khonferense gonabjale, ka gore Jesu o rile, “Ge go no ba ba babedi goba ba bararo ba kgobokane Leineng la Ka, Ke tla ba magareng ga bona.” Gomme mo go e ka ba masometharo ka gare. “Ke tla ba magareng ga bona, gomme—gomme re tla no e boledišana.”

¹²⁶ Go na le sekgoba sa go se lekanele bakeng sa pitšo ya aletara, go tla godimo aletareng, eupša e ka ba kae Modimo a boletšego le wena, fao ke moo, a bolelago le wena, fao ke moo A nyakago go bolela le wena, thwi ka dibeng tša gago goba ka gosedumeleng ga gago, e lego sebe.

¹²⁷ Go ne sebe se setee feela, seo ke gosedumele. O a aketša, o a utswa, o a nwa, gobane ga o dumele; ge o be o le modumedi, o be

o ka se dire seo. Kafao go ne sebe se setee feela, gomme seo ke gosedumele. Mohlomongwe o wa kereke ye e sa dumelego Beibele ka botlalo, seo e sa le sebe. “Yo a sa dumelego o šetše a ahlotšwe,” go boletše Morena wa rena.

¹²⁸ A re e boledišaneng le Yena bjale. A re inamišeng, re boloke dihlogo tša rena di inamišitšwe, gomme o rapele thwi fao moo o lego, o re, “Morena, ke dirile *bjalolebjalo* le *sagorelesagore*, eupša O ntshepišitše.”

¹²⁹ O tla bolela boka A dirile go Moshe, “Ke elelwa tshepišo ya Ka, gomme Ke tla theoga go go lokolla.”

¹³⁰ Ge e le bolwetši, e re, “Morena, mohlomongwe ke dirile phošo. Ge e ka ba kae, oo ee, ke elelwa selo se rilego ke se dirilego, Morena, ke tla ya go lokiša seo.” A re e boledišaneng le Yena, gona ka megogoma ya Gagwe o fodile.

¹³¹ Bjale, Tate wa Legodimong, bjalo ka ge maoto a opa le dinao di le bohloko, mebele e tontšwe ke phefo, moya wa go tonya, gomme ke boletše botelele, eupša ke a nagana, Morena, ka bohloko bjola bja pelo gomme go tshela Jorodane yela ya go tonya le lengwe la matšatši a, ge re etla bofelong bja leeto la bophelo, gona e ya go ba nako ye e šiišago.

¹³² Ke nagana ka batho ba go babja, bao mohlomongwe ba emego tikologong ka bothata bja pelo, le ka bolwetši bja mafahla, le ditlaišego tše dingwe tše ntši, mohlomongwe kankere, gomme, oo, ba a babja le go hloka, gomme ba dutše ba theeditše, eupša ba na le khonferense ye nnyane le Wena bjale.

¹³³ Go ka no ba bao ba sego ba ke ba Go amogela, gomme ba dirile sebe, gomme ba dirile phošo, gomme ga se ba dumela Ebangedi, gomme, goba mohlomongwe ba ile kerekeng le go dira boipolelo bja phatlalatša, eupša ga se ešo ba tswalwa ka Moya, ka gobane ba naganne, “Gabotse, e be e le lereo la bohlaya go Kriste.”

¹³⁴ Modimo, ke a rapela gore O tla e boledišana le bona, bolela le dipelo tša bona, e ka ba eng ba e hlokago. Ba phagamišitše diatla tša bona, gomme O boletše ka go Lentšu la Gago Mong gore, “Ga go motho a ka tlogo go Nna, ntle le ge Tate wa Ka a goga pele.” Gomme ka gona gape O rile, “Bohle ba Tate a Mphilego bona, ba tla tla go Nna. Gomme Ke tla mo tsoša ka matšatšing a mafelelo.” O e tshepišitše, Morena.

¹³⁵ Mokgethwa Johane 5:24, O rile, “Yo a kwago Lentšu la Ka, gomme a dumela go Yena yoo a Nthomilego, o ne Bophelo bjo Bosafelego, gomme a ka se tsoge a tla Kahlolong, eupša o fetile lehung go ya Bophelong.” Tšeo ke ditshepišo tša Gago, Morena.

¹³⁶ Go ngwadilwe ka Lengwalong gore, “O gobaditšwe ka baka la dikarogo tša rena, o tlapirigantšwe ka baka la bokgopo bja rena; kotlo ya khutšo ya rena godimo ga Gagwe, gomme ka

megogoma ya Gagwe re fodišitšwe.” Morena, gopola ditshepišo tša Gago bošegong bjo, ge re sa swere khonferense ye nnyane ye.

¹³⁷ A nke maatla a Moya wo Mokgethwa ao a tsošitšego Jesu go tšwa lebitleng, a nke A tle godimo ga motho yo mongwe le yo mongwe yo a swerwego ke tlala le go nyorwa bošegong bjo. Gomme a nke polelo ye nnyane ye e lekanele, Morena, go ba tsošetša go go phelega go goswa. Efa pono go sefoku, bobedi nameng le semoyeng, efa go fola go mebele ya go, ya go fokola, mebele ya go thothomela, O moya wo Mokgethwa, efa khutšo le khomotošo go disoulo tše di huduegilego, le tebalelo ya sebe go bao ba tšwelego tseleng.

¹³⁸ E fe, Tate, gomme Leina la Gago le tla tumišwa bakeng sa yona, ka gore bjale re ka kgona go ba tliša go Wena, gomme ba kgopetše. Gomme bjale re ba neela go Wena bjalo ka diala tša tirelo, le ya Molaetša. Re ba neela go Wena, Leineng la Jesu Kriste, Morwa wa Gago.

¹³⁹ Ge re sa ne dihlogo tša rena di inamišitšwe bjale, e nagantšhiše, bolela le Yena feela gannyane nthatana, ka gare le ka ntle. “Morena ke dirile sebe, ke dirile phošo, gomme ke swanela se sengwe. Ke swanela bontši kudu go fihla O rometše Jesu, gomme O hwile gore nke ke phološwe, gomme nka—nka fodišwa, gomme gore ke tla ba le, go phelega mo gobotse, gomme O boletše ka Beibeleng ya Gago, ‘Ke—Ke tla rata ka godimo ga dilo tšohle gore le atlege ka go phelega.’ Ke na le tokelo go yona, Tate, gomme ke nyaka go e boledišana le Wena feela bjale,” ka gare le ka ntle.

¹⁴⁰ Gomme Mo kgopeleng go le direla dilo tše, gomme ke na le nnete O tla e dira. O mo bjale go go dira o felele, le go go phološa go tšwa dibeng tša gago, le go tloša bokgopo bjohle bja gago, le go phumola dikarogo tšohle tša lena, le go fodiša malwetši ohle a lena le mekomane, le go le dira le fole, nno Mo dumelelang go e dira.

¹⁴¹ Ge re sa ne dihlogo tša rena di inamišitšwe, gomme re Mo letile go phethagatša tshepišo ye nngwe le ye nngwe ge le sa eme sethokgweng se se tukago bjale, ke tla rata bakeng sa kereke, lena bao le bolokago dihlogo tša lena di inamišitšwe, ka gare le ka ntle, gomme a re opeleng pina. Le a tseba, ka Mangwalong ba opetše sefela, gomme—gomme Moya wa Modimo o tlile godimo ga batho. [Ga go selo go theipi—Mor.]

¹⁴² A re, ke a tseba, ye tee še bohle re e tsebago: “Ke a Mo rata, ke a Mo rata gobane O nthatile pele.” Re na le nnete gore le tseba pina yela. A re e opeleng ka setu mmogo bjale. Mohlomongwe re ka kgona go dira ntle le mmimo, kgaetšedi.

Ke a Mo rata, ke a Mo rata
Gobane O nthatile pele (Oo!)
. . . lefela phološo ya ka
Godimo

Seo ke sa phodišo, goba sebe, phološo ya ka.

Ke a Mo rata,

E no nagana ka botho bja Gagwe.

Gobane O pele . . .

Gomme a lefela phološo ya ka

Godimo ga mohlare wa Khalibari.

¹⁴³ [Ngwanešu Branham o hama *Ke A Mo Rata*—Mor.] Ka bobose bjo go go dikologa, gomme o tšwelapele o opela: A o a dumela Bogona bja Gagwe bo na le wena? Ge o dira, phagamišetša diatla tša gago godimo, gomme o re, “Go tloga bošegong bjo go ya pele, ke ena nnamong ka boswa bjale. Ke amogela phodišo ya ka, Ke amogela kgopelo ya ka ya phološo,” ka gare le ka ntle. “Ke a dumela gore Kriste, Morwa wa Modimo, bjale o tla hlokomela tšohle ke di hlokago. A le ka phagamiša diatla tša lena? Ge re opela ka setu gape, ka dihlogo tša rena di inamišitšwe.

Ke . . .

¹⁴⁴ “Tlhoko ye nngwe le ye nngwe ke nago le yona, ke a dumela gore O tla e fa, ge khonferense ye e kгатlampana.” Ka ntle, ka koloing, ge o babja, o golofetše, phagamela godimo.

. . .ratile . . .

¹⁴⁵ Ge o le sefofu, retollela hlogo ya gago go leba Legodimong, gomme o lebelele Seetša; ge o le sefoa ka tsebeng e tee, bea monwana wa gago ka go ya gago ye loka.

. . .phološo

Godimo ga mohlare wa Khalibari.

¹⁴⁶ Oo, bobose bjola bja go šegofala! Go tla godimo kgauswi le sethokgwa bjale, go ikwela khuetšo ya Mollo sethokgweng, Moya wo Mokgethwa o ruthetša disoulo tša rena go tumelo.

Gomme a lefela phološo ya ka


Godimo ga mohlare wa Khalibari.

Ke . . .

¹⁴⁷ Ge go na le sebe ka bophelong bja gago, ipolele sona bjalo ka sebe, botša Modimo o maswabi ka sona, O tla go tšea gonabjale.

Gobane . . .

¹⁴⁸ A o kgona go kwa Bogona bja Gagwe . . . bja sethokgwa, ge o sa khunamile fao ka tumelo, ka Bogoneng bja Gagwe?

Gomme a lefela phološo ya ka . . . 

60-0108 Khonferense Le Modimo
Unity Tabernacle
Tifton, Georgia U.S.A.

NORTH SOTHO

©2026 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org